



Nunat avannarliit killiit akornanni inuusuttut piffissami aalajangersimasumik killilikkami aalajangersimasumik akikitsumik akeqartillugu angalasinnaanngortillugit aaqqissuussinermik "interrail'itut" ittumik pilersitsisinnaanermik – imaluunniit allatut assersuutigalugu angalanermut tapiissutinik legatinik pilersitsinikkut nunat avannarliit killiit inuusuttunut ammaannissaanut periarfissanik misissueqqullugit Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni aamma Islandimi Naalakkersuisut kaammattorpai.

(Aallartitat siulittaasuat Vivian Motzfeldt)

(Siullermeerneqarnera)

Una oqaluuserisaaq isumassarsiaavoq nuannerluinnartooq. Nunanit allanit paasisassarsiortarneq aammalu kulturiinik allanik misigisassarsiortarneq peqqinnartuuvoq. Pingaatumik nunani avannarlerni killerni sanilerisatsinni.

Taamaattorli eqqumiiginarpoq Nunat Avannarliit Killiit Siunnersuisoqatigiiffiata taamatut aaqqissuussinissaq qanoq aningaasartuutitaqassanersoq ilanngussimannngimmassuk. Taamaasilluni tunngaviumik aaliangiinissaq ajornakusuulermat.

Qularnanngilarli siunnersuut aningaasartuuteqarfiussammat aamma qularisariaqanngivippoq massakkorpiaq aningaasarliorluinnarfimmiikkatta. Nunatsinniinnaq tamanna pinngilaq, Savalimmiuni Island-imilu aamma taamaattoqarpoq. Taamaammallu nunat pingasuusut piffissami qaninnermi uunga sammisatsinnut aningaasanik nassaarsinnaanissaat qularnarpoq.

Demokraatit oqareernittuut isumassarsiaq iluarinartuutipparput, pissutsillu nalinginnaasuugaluarpata, aningaasartuutissaanullu missingersuutitaqaraluarpat siunnersuut akuerineqarnissaanut innersuutissagaluarparput.

Massakkorpiarli aningaasarliorluinnarfimmiitilluta siunnersuutip itigartinneqarnissaanut innersuutissavarput.